

# Stade og Teigen

## gard og slekt



Knut Raastad, mai 2022



*Søre Stade sist på 1800-talet. Foto frå Anne Marie Bolstad, Vågå historielags fotoarkiv.*

## Søre Stade

Gnr. 153 bnr. 1, løpenr. 158, gml. nr. 108.

Stade vart nemnd i 1576 og var da på 3 huder som tilhørde Vågå prestebol. Skattelister 1610-1620 viser at brukaren på Stade var Erik, og i 1625 Jakob. I tillegg var det ein brukar til som heitte Lars, han vart 1610-1613 nemnd som husmann og 1617-1625 øygardsmann, båe nemningane kan vera eit uttrykk for ein brukar nr. to på garden. D.v.s. at Stade var to bruk. Viss ein ser på at søre Stade seinare var på 2 huder og nørdrre Stade på 1 hud, kan ein plassere Erik og Jakob på søre og Lars på nørdrre. Men delinga trong ikkje ha vore slik fyrst på 1600-talet.

I 1645 vart det nemnd to brukarar på Stade, det var Peder som truleg var på nørdrre Stade og Thorre på søre Stade. Thore Mikkelsen d.ca.1659 var gift med Kjersti Jonsdotter d.ca.1671, dei hadde barna

Lars f.ca.1639, neste brukar

Thore d.før 1671

Aagot

Marit

I 1668 var det to brukarar på Stade, det var Hans som brukte 1 hud på nørdrre Stade og Lars som brukte 2 huder på søre Stade. Lauridtz vart også nemnd i jordebok 1661. Alt tilhørde Vågå prestebol.

I 1711 var Rønnaug brukar på søre Stade, og ho vart nemnd som bygsjar fram til 1722 da svingersonen overtok. Rønnaug var gift med Lars, for dottera vart nemnd som Larsdotter. Denne Lars kan ha vore han som vart nemnd som brukar i 1668. Rønnaug var frå øvre Bjørnstad dotter til Per Jonsen og Kari Persdtr. Snerle n/m. Lars og Rønnaug hadde dottera:

Thore d.1733, neste brukar

Thore Larsdotter var gift med Nils Jakobsen. Nils overtok bygselen av søre Stade 2 huder i 1722. Nils og Thore hadde 6 barn:

Lars f.ca.1712, neste brukar

Jacob f.ca.1715

Christen f.ca.1718

Peder f.ca.1722

Anne f.ca.1723

Peder f.ca.1727

Lars Nilsen fekk bygsel på nedre Stade 2 huder i 1735. Lars hadde 5 barn:

Guttorm 1740-1745

Mari f.1743

Torø f.1746, neste brukar

Marit f.1750

Imbjør f.1753

Torø Larsdotter var gift med Amund Olsen Sandbu oppigard sør f.ca.1731 d.ca.1782 son til Ole Iversen Sandbu f.ca.1694 og Rønnaug Guttormsdr. Heringstad 1697-1765. Soldat Amund Olsen overtok bygselen etter svigerfaren i 1764. Enkja Torø Larsdotter brukte garden etter at mannen var borte. Amund og Torø hadde 6 barn:

Anne f.ca.1765 d.1800, neste brukar  
Rønnaug 1767-1768  
Rønnaug f.1769, g.m. Knut Olsen  
Imbiør f.1772, g.m. Nils Andersen  
Lars 1775-1840, g.m. Kari Knutsdotter  
Mari f.1779

Anne Amundsdotter Stade vart i 1788 gift med soldat Halvor Olsen Køyen, Sel f.ca.1753 d.1807 son til Ola Halvorsen Kojen. Halvor fekk i 1788 bygsel frå presten på nedre Stade 2 huder. Anne og Halvor hadde 5 barn:

Amund f.1789, til Kojen  
Brith f.1791  
Anne 1794-1795  
Ole f.1797  
Anne f.1800

Smedsmo fekk store skader under flaumen i 1789, så ved kongeleg resolusjon i 1793 vart garden Stade søre utlagt til kapellangard. Fyrst etter at leiglendingen Halvor Olsen Stade døydde i 1807 flytta kappelan Bøyesen inn på Stade. I eit pantebrev 1.1.1809 pantsatte Bøyesen ein del sølv for 100 riksdaler hjå Gurie Paulsdatter Holbøe. Bøyesen var res.kap. i Vågå i 9 år, og han var også bestyrar av fattigvesenet. I 1812 vart han utnemnd som sokneprest til Lærdal og i 1822 res.kap. i Bergen domkyrkje. I 1825 vart han sokneprest i Ullensaker der han døydde i 1841. Bøyesen var gift med Anna Teilmann, og dei hadde 4 barn, bl.a.:

Alette Petronella Elisabet f.1808

Severin Hjelm Friis var res.kap. 1812-1813.

Henrik Meyerhoff Jordan var res.kap. 1815-1821. Han vart fødd i Bergen i 1787, son til rådmann Caspar Jordan. Han vart i 1812 utnemnd til fogd og forvaltar i baroniet Rosendal. I 1815 vart han utnemnd til res.kap. i Vågå. Medan han var i Vågå styrde han Lesja sogn frå mai 1818 til januar 1821. I 1820 vart han utnemnd som sokneprest i Alten Talvik, og reiste frå Vågå tidleg i 1821. I 1824 vart han sokneprest i Daviken der han døydde i 1824. Han var gift med Juliane Margrete Pihl, dotter til prost og ridder Abraham Pihl på Vang Hedmark. Henrik og Juliane fekk 1 barn medan dei var i Vågå:

Natalie Cathrine f.1816

I perioden 1822-1835 er det ikkje nemnd nokon fast kapellanstilling, men det ser ut til at fleire var innom soknet, i midlertidige stillingar, så som:

1825 Gabriel Hofgaard Stenersen. Vart sogneprest til Aal Hallingdal.

1826 N.B. Flood blir nemnd som kapellan.

1828 og 1831 blir det nemnd ein kapellan Sørensen

1830 blir det nemnd ein pers.kap. I.L. Dahl

Ole Johan Storm var res.kap. 1835-1838.

Ditlev Bernhard Gadebusch Gunnerus var res.kap. 1838-1847. Han var fyrst pers.kap. i Ringsaker 1830-1838. I 1847 vart han utnemnd til sokneprest i Lye på Jæren. Han var gift med Oline Wilhelmine Årøe, dei hadde 2 barn:

Bernhardine Wilhelmine f.1842

Carl Ludvig f.1846

Maurits Glerup Klem f.1815 var res.kap. 1847-1853. Han vart utnemnd til sokneprest i Lund og Herskestad i Rogaland i 1853. Maurits vart 1845 gift med Wilhelmine Cathrine Hansen, dei hadde 2 barn:

Marie Sophie f.1849

Gotfred Gustav f.1851

Kristian August Lutken var res.kap. 1854-1864. Han vart fødd i Christiania i 1811, son til kjøpmann Lukas Lutken. Han tok eksamen i 1837, og i 1850 tok han i tillegg eksamen i lappiske språk. I 1864 vart han utnemnd til sokneprest i Gran. Han var gift 2 gonger – bl.a. med Olava Mathilde Larsdotter, dei hadde 4 barn:

Caroline Fredrikke f.1855

Iver Lucas f.1857

Randin Marius f.1859

Karen Johanne Elise f.1862

Wilhelm Andreas Wexels Kaurin var res.kap. 1864-1870. Han vart fødd i Flesberg prestegjeld i 1834 og vart gift på Stord med Henriette Cathrine Pedersen, fødd i Skedsmo i 1836. Han kom til Vågå i 1864, og dei slo seg ned på søre Stade. I 1870 flytta dei til Klæbu der han vart sokneprest. Dei hadde 3 barn:

Elisabet f.ca.1859

Hanna f. 1865

Mari f.1869

Anton Wilhelm Hansen Valle var res.kap. 1870-1878. Anton Valle var fødd i Vågå i 1842, son av lensmann i Vågå Hans Olsen Valle og Kari Olsdotter Fellese. Lensmann Valle var frå garden Valle på Østre Toten. Anton Valle vart i 1879 utnemnd som sokneprest i Hollen prestegjeld i Telemark, og budde der ved ft. 1900 på Hollen prestegard. Anton gifta seg i 1865 med Julie Andrea Munster f.1842. Dei fekk 3 barn i Vågå:

Louise Jørgine f.1872

Hans August f.1874

Ole Severin f.1876

Gudbrand Olsen Heggenhougen 1846-1932 var pers.kap. 1879-1891. Han vart fødd i Ringsaker og var gift med Julie Ousdahl, Næs Hedmark f.1855. I 1891 vart Heggenhougen

utnemnd som sokneprest i Nord-Fron, og dei budde i 1900-tellinga på garden Sundet. Dei hadde i alt 11 barn i ekteskapet – dei fleste fødte i Vågå:

Karen f.1877

Ottar f.1878, g.m. Anne Bu f.1888

Bertha f.1880

Jørgen f.1881

Harald f.1883

Solveig f.1884

Sverre f.1886

Erling f.1887

Aslaug f.1888

Ragnvald f.1889

Dagny f.1891

Torjus Kristensen Staksnes var res.kap. 1892-1905. Han vart fødd på Tromøy ved Arendal i 1853, son til gardbrukar Kristen Torjussen Næs. Han gifta seg ca. 1890 med Gurine Thorsen, Tromøy f.1865. Dei kom til søre Stade i 1892 og fekk 3 barn medan dei var i Vågå:

Karen f.1893

Helene f.1902

Gudrun f.1903

Den 14. mai 1905 vart garden søre Stade seld til Mathias Paulsen Snerle av Kyrkjedepartementet for kr 12100,-. Mathias Snerle 1877-1949 var frå sygard Snerle son til Pål Christensen Snerle 1824-1910 og Ragnhild Hansdotter Skår n. 1840-1929. Mathias vart 1904 gift med Rønnaug Knutsdotter Stokstad 1875-1954, dotter til Knut nedre Stokstad 1826-1912 og Mari f. Prestgard 1828-1912. Mathias og Rønnaug flytte frå Stade til sygard Snerle mellom 1914 og 1920 og overtok drifta der da broren Ola P Snerle vart sjuk. Mathias og Rønnaug hadde barna:

Pål 1906-1986, neste brukar

Knut 1914-1980, på Snerle

Pål Snerle fekk i 1942 skjøte på Stade frå faren for kr 5500, herav for lausøyre kr 1250. Han overtok drifta i 1932. Pål vart 1932 gift med Kari Dahl 1908-1997, dei hadde 3 barn:

Reidun 1933-2006, g.m. Hans Raastad f.1926. På Sande.

Magne 1937-1999, neste brukar

Ivar 1939-2022, g.m. Kari Berglund, Ringebu f.1940. På sygard Snerle.

Magne Snerle overtok etter faren i 1966. Han vart 1966 gift med Reidunn Bråten f.1944 dotter til Arthur Bråten f.1918 og Aslaug Skogheim f.1915. Magne og Reidunn har 3 barn:

Pål Arne f.1969, neste brukar

Anne Kjersti f.1973, sb.m. Jo Rune Einstulen

Marit f.1974, var sb.m. Kent Arild Moldal f.1970

Pål Arne Snerle overtok Sør-Stae i 1999. Han er gift med Turid Grimsbø, Jølster f.1969. Dei har 3 barn:

Ragnhild f.1995, g.m. Øystein Stubrud f.1994

Martin f.1997  
Solveig f.2000

Kjelder:

Pål Øystein Kvarberg, 2000: Slechter i Vågå og Lom, Tolstadslekten m.m.

Digitalarkivet: panteregister

Norske gardsbruk 1953-1997

Opplandsarkivet Vågå: familieark, avskrifter pantebøker mm.

Gunnar Ottosen, Jutulen 2010: Kapellaner i Vågå sogn

Ivar Kleiven 1907-1944: I gamle Daagaa

## Nørdre Stade

Gnr. 152 bnr. 1, løpenr. 157, gml. nr. 107.

Stade vart nemnd i 1576 og var da på 3 huder som tilhørde Vågå prestebol. Skattelister 1610-1620 viser at brukaren på Stade var Erik, og i 1625 Jakob. I tillegg var det ein brukar til som heitte Lars, han vart 1610-1613 nemnd som husmann og 1617-1625 øygarmsmann, baa nemningane kan vera eit uttrykk for ein brukar nr. to på garden. D.v.s. at Stade var to bruk. Viss ein ser på at søre Stade seinare var på 2 huder og nørdre Stade på 1 hud, kan ein plassere Erik og Jakob på søre og Lars på nørdre. Men delinga trong ikkje ha vore slik fyrst på 1600-talet.

I 1645 vart det nemnd to brukar på Stade, det var Peder som truleg var på nørdre Stade og Thorre på søre Stade.

I 1668 var det to brukarar på Stade, det var Hans som brukte 1 hud på nørdre Stade og Lars som brukte 2 huder på søre Stade. Hans vart også nemnd i jordebok 1661. Alt tilhørde Vågå prestebol. Hans Andersen Stade f.ca.1617 d.1680 var iflg. Engebret Hougen frå Austrem. Hans var gift med Marit Pålsdotter Tolstad f.ca.1622 d.etter 1682 dotter til Pål Hansen Tolstad og Karen Knutsdtr. I 1672 var det sak om bygselen av ½ hud jord «Halvors-jordet» mellom Stade og Teigen der Hans Stade fekk medhald i at dette som før skulle følgje Stade. Hans og Marit hadde 8 barn:

Knut f.ca.1652 d.1725, neste brukar

Hans f.ca.1655, g.m. Ragnhild Andersdtr. Svendstad, til n. Valde

Syver f.ca.1657

Anders f.ca.1659

Pål f.ca.1663

Kristen f.ca.1665

Peder f.ca.1670

Barbro f.ca.1660-70

Knut Stade vart nemnd som brukar i 1711. Knut Hansen d.1725 var gift med Anne Andersdotter Svenstad f.ca.1660 dotter til Anders Olsen Svenstad og Eldri Andersdr. Knut og Anne hadde 5 barn:

Hans d.1753, neste brukar  
Anders  
Pål  
Marit, g.m. Ole Thoresen Fjerdingsren, Heidal  
Eldri f.ca.1701

Hans Knutsen f.ca.1690 d.1753 var gift med Marit Thoresdotter Fjerdingsren. Dei hadde 4 barn:

Knut f.ca.1721 d.1771, neste brukar  
Thore f.1726  
Anne f.ca.1729  
Arne f.ca.1731

Soldat Knut Hansen f.ca.1721 d.1771 overtok bygselen av Stade 1 hud 1 skinn etter faren i 1748. Knut vart 1746 gift med Randi Endresdotter Austrem n. f.ca.1720 d.1804. Dei hadde 5 barn:

Mari 1747-1750  
Kari 1748-1828, g.m. Sevald Justsen Berge ø 1749-1790, g.2.m. Anders Pålsen f.1735  
Hans 1751-1823, neste brukar  
Mari f.1754  
Mari 1761-1849, g.1795.m. Fredrik Engebretson Hougen, Sel 1766-1816

Hans Knutsen 1751-1823 overtok i 1777 bygselen av Stade 1 hud 1 skinn etter mora som da var enkje. Hans vart 1780 gift med Ingrid Christoffersdotter Storvik m. 1760-1825 dotter til Christoffer Jakobsen Dale ø 1719-1797 og Ragnhild Jonsdr. Storvik m f.ca.1734. Hans og Ingrid hadde 4 barn:

Knut 1780-1857, neste brukar  
Christoffer f.1782, g.m. Gunhild Hansdr. Svare f.1787  
Hans f.1785, g.m. Jørand Hansdr. s. Olstad, Sel f.ca.1788  
Ragnild f.1788, g.m. Hans Ivarsen Svenstad f.1779  
Mari f.ca.1794, g.m. Pål Larsen Stokstad f.ca.1784

Soldat Knut Hansen overtok bygselen av Stade i 1809. Knut Hansen 1780-1857 var gift med Ågot Olsdotter Siem 1797-1883 dotter til Ole Knutsen Siem og Ingebjørg Eriksdr. Knut og Ågot hadde 6 barn:

Ingrid f.1819 g.m. Anders Svendsen Bolstad Enget  
Ingeborg f.1823, g.m. Hans Svendsen Bolstad f.1805  
Hans 1825-1865, neste brukar  
Ole f.1829, til USA 1870  
Ragnhild 1832-1883, g.m. Ole Hansen Lunde f.1820, i 1865 budde dei på Stade  
Erik 1836-1836

Hans 1825-1865 fekk kongeleg skjøte på Stade i 1853 for 838 spd. Hans Knutsen vart 1850 gift med Marit Olsdotter Veggum s. f.1827, dotter til Ole Johnsen Veggum. Hans og Marit hadde 7 barn:

- Aaagot f.1850
- Ragnhild f.1852
- Imbjør f.1855
- Knut f.1857
- Ole f.1860
- Anton f.1862
- Iver 1864-1866

I 1870 var det skjøte på Stade frå enkja Marit Olsdotter Stade til Peder Torgersen Heringstad for 2370 spd, Peder var gift med syster hennar og i 1863 hadde Hans Knutsen skrivi pantebrev til Peder på 1000 spd han hadde lånt. I 1853 hadde Hans lånt 760 spd frå mor til Peder til finansiering av kjøp av garden.

I 1874 fekk Marit Hole skjøte på Stade for 3000 spd. frå Torger P Heringstad og Paul H Harlaug etter fullmakt frå Peder Heringstad. Marit Hole f.1820 frå Lesja var gift med Christoffer Hole f.1820 d.før 1875 frå Lesja. I 1865 var dei forpaktarar på Øy nedre søre. Christoffer og Marit hadde 6 barn, dei tre eldste vart fødde på Lesja og dei tre yngste i Grytten:

- Johan f.ca.1845, forpaktar på megarden Snerle i 1875
- Mariane f.ca.1846 d.1867
- Hans f.ca.1849-1929, g.m. Anne Iversdtr. Hole, Skjåk 1842.1913, på Volden
- Benjamin f.1852
- Jacob f.1854
- Christoffer f.1860

Enkja Marit Hole selde Stade i 1881 med skjøte til lærar Peder Iversen for kr 11200,-. Peder Iversen Ryfeten, Folldal 1851-1938 var son til Iver Pedersen og Kari Ryfeten f.1827. Peder var gift med Anne Amundsdotter Bu nig. f.1843 dotter til Amund Olsen Bu f.1804 og Kari Syverdtr. Hørven, Skjåk 1811-1875. Peder og Anne hadde 2 barn:

- Iver f.1877, til Canada
- Sylvester, til Canada, g.m. Francis

Peder var gift på nytt med Marit Saghaugen Flaten 1870-1941 dotter til Erland Knutsen Saghaugen 1844-1919 og Rønnaug Eriksdtr. Bjørgen 1836-1925. Peder og Marit hadde 1 barn:

- Karl 1909-2001, neste brukar

Karl Stade fekk i 1930 skjøte på Stade frå faren for kr 16520, herav for lausøre kr 1620. Karl Stade vart 1930 gift med Petra Geilen 1907-1989 dotter til John Olsen Brenden Jeilen 1874-1934 og Betzy Josefine Johansdtr. Sundt 1883-1957. Karl og Petra hadde 4 barn:

- Per f.1930, neste brukar

Julie Bergljot f.1936, g.m. Østensen  
Målfrid f.1938, g.m. Ola Helge Bakken, Kvam 1938-1999  
Arne f.1943,g.m.Grethe Bakken

Per Stade f.1930 overtok nørðre Stade frå faren i 1988. Han vart 1954 gift med Åse Ragnhild Furulund f.1934 dotter til Elias Furulund, Hamar og Inger Bjørklund, Elverum 1907-1995.

Per og Åse har 4 barn:

Kjetil f.1955, neste brukar  
Magni Elfrid f.1959  
Unni Ingveig f.1967, g.m. Kjell Stålevik  
Kjersti Torunn f.1971

Kjetil Stade vart 1978 gift med Else Skjerpingsstad, Lom f.1959, dei overtok Stade i 1994.

Kjetil og Else hadde 3 barn:

Per Johan f.1977  
Kai Åmund 1981-1982  
Lars Are 1984-1985

Kjelder:

Pål Øystein Kvarberg, 2000: Slechter i Vågå og Lom, Tolstadslekten m.m.  
Digitalarkivet: panteregister  
Norske gardsbruk 1953-1997  
Opplandsarkivet Vågå: familieark, avskrifter pantebøker mm.  
Engebret Hougen, Norsk slektshistorisk tidsskrift 1951: Av hauldeætt, Bondearistokrati i G-d.  
Kjetil Stade  
geni.com

## Fonstad

Fonstad gnr. 152 bnr. 3 vart frådelt frå nørðre Stade gnr. 152 bnr. 1 i 1911 med skjøte i 1912 frå eigaren av Stade Peder Iversen til Ole Braaten Nysæter for kr 3500,-. Ola f.1858 var frå Bråtå øvre i Sjørdalen son til Syver Olsen Bråten f.1818 og Imbjør Pedersdtr. Sønstelién f.1921. Ola vart 1884 gift med Kari Syversdotter Sagdalen, Sel f.1859. Familien bygde opp Nysæter på Taulstadåsen og budde der samtidig som Ola dyrka jord og bygde på Fonstad. Ola og Kari hadde mange barn.

I 1917 var det skjøte frå Ole Nysæter til Fredrik Olsen for kr 8600,- inkl. lausøyre kr 600,-. Ein Fredrik Olsen, Sel f.1860 var i 1920 murar/steinarbeidar og budde i Enkeløkken på Lalm saman med dotter og son:

Anne f.1885  
Ingvald f.1910

I 1919 var det skjøte frå Fredrik Olsen til Johannes G Stadeløkken for kr 10000,- inkl. lausøyre kr 500,-. Johannes f.1893 frå søre Stadeløkken var son til Guttorm Sveen og Rannei Bråten 1861-1922. Johannes vart 1919 gift med Oline Stenen f.1893, dei hadde 6 barn:

Ragna f.1919

Jan f.1923

Gudmund f.1926, neste brukar

Else f.1927

Helga f.1930

Astrid f.1937

Gudmund overtok i 1956, han vart 1955 gift med Marit Aabuen, Skjåk f.1935 dotter til Ragnvald Aabuen og Marie Henriksen, Fåberg. Gudmund og Marit har 4 barn:

Lise f.1956, g.m. Egil Granlund

Egil f.1958, neste brukar

Gro f.1960, g.m. Kjell Haug

Venke f.1967

Egil vart 1992 gift med Anne Grete Damstuen f.1964 dotter til Bjørn Damstuen f.1942 og Reidun Sanden f.1941. Egil og Anne Grete overtok i 1993, dei har 3 barn:

Randi Merethe f.1984

Gry Beate f.1987

Emil f.1997

Kjelder:

Digitalarkivet: panteregister, folketeljingar mm.

Norske gardsbruk 1953-1997

Opplandsarkivet Vågå: familieark, avskrifter pantebøker mm.

Kåre Johan Bakke, 2008: Bråtåslekt

## Teigen

Lars Teigen betalte skatt i 1624. Han vart også nemnd i 1635, men p.g.a. armod var det ikkje skatt.

Koppskatten 1645, manntalet 1666 og matrikkelen 1668 viser at Teigen 4 skinn tilhørde prestbolet. Brukar var Thore Larsen f.ca. 1605 d.ca.1685. Tore var gift med Thore Arnesdotter d.etter 1685, dei hadde 3 barn:

Johannes

Jon f.ca.1647, neste brukar

Aagot

Skoskatten 1711 nemner Jon og Lars. Jon var gift med Synnef Lauridsdotter, dei skifta i 1715. Jon og Synnef hadde 6 barn:

- Lars, neste brukar
- Gunild, oppført som gift i 1715
- Anne, oppført som gift i 1715
- Mari f.ca.1682
- Torre Jonsdtr. f.ca.1689
- Ingebor f.ca.1695

Lars Jonsen fekk i 1720 bygsel på Teigen 4 skinn frå presten Wilhelm Dop. Lars Teigen var brukar ved matrikkelutkastet i 1723, eigar av 4 skinn var prestbolet. Som nemnd var Lars også oppført i 1711.

I 1725 avstod Lauritz Joensen garden Teigen til korporal Havel Joensen Rud som fekk bygsel frå presten.

I 1739 bygsla presten bort Teigen 4 skinn til Ole Serqvedsen Hollungsøjen, før hadde sersjant Hovel Rud hatt bygselen. Ole Seigvedsøn d.etter 1776 var gift med Eldri Knutstr. 1701-1745 som det var skifte etter i 1745. Ole og Eldri hadde 2 barn:

- Knut f.ca.1730, seinare brukar
- Anne f.ca.1742, g.m. Ole Jocumsen

I 1748 bygsla presten bort Teigen 4 skinn til Siver Torsøn, Ole Serqvedsøn hadde gjeve frå seg bygselen godviljug. Siver Teigen hadde 2 barn:

- Trond f.ca.1748
- Anne f.ca.1750

I 1753 bygsla presten bort Teigen 4 skinn til Knut Olsen, Siver Tordsen har da gjeve frå seg bygselen til han. Knut var son til Ole som hadde Teigen fram til 1748. Skifte 1779 viser at Knut Teigen var gift med Kari Endresdotter f.ca.1729 d.etter 1801, dei hadde 2 barn:

- Eldri d.ca.1780, neste brukar
- Kari f.ca.1760

Eldri var gift med Iver Erlandsen f.ca.1748. Iver fekk bygsel frå prest på Teigen 4 skinn i 1779. Eldri og Iver hadde 1 barn:

- Knut 1779-1864, neste brukar

Iver vart 1781 gift på nytt med Mari Eriksdotter f.ca.1756 d.1837, dei hadde 7 barn:

- Erland 1781-1794
- Eldri f.1784
- Erich f.1787
- Syver f.ca.1790 f.1814
- Mari f.1793
- Erland f.ca.1795
- Kari 1799-1819

Knut Iversen fekk bygsel frå presten på Teigen 4 skinn i 1810. Soldat Knut Iversen vart 1811 gift med Kari Pedersdotter f.ca.1782 d.1869, dei hadde 3 barn:

Iver f.1811, neste brukar

Knut f.1813

Eldri f.1815 d.etter 1900, g.m. Mads Hansen, barn Mari f.1844, Knut f.ca.1847 og Hans f.ca.1852. I Teigen 1865, 1900

Johan f.1818

Erland f.1821

I 1855 fekk Iver Knudsen kongeskjøte på Teigen. Iver Knutsen f.1811 vart 1849 gift med Anne Knutsdotter Horgeneie, Heidal f.ca.1822 d.1903. I 1875 budde dei på Snerlehaugen.

Iver og Anne hadde 5 barn:

Knut 1845-1846

Knut f.1849

Kari 1853-1853

Iver f.1854

Mari 1847-1865

I 1866 var det skjøte frå Iver Knudsen til Ole Olsen Lunde for 800 spd. Ole f.ca.1840 d.1920 var son til Ole Syversen Lunde. Ole vart 1863 gift med Aagot Johnsdotter Hagen 1842-1920 dotter til John Hansen Hagen. Ole og Aagot hadde 12 barn:

Ole f.1863

Marit 1865-1865

Marit f.1867

John f.1869, neste brukar

Rønnaug f.1868

Ragnhild f.1871

Gunhild f.1873, g.m. Hans J Sveen f.1862, hadde dottera Mari f.1900; I Teigen I 1900

Jakob f.1875

Anton f.1877

Syver f.1881

Ole 1883-1892

Hans f.1887

I 1920 var det kjøpekontrakt med overdraging av Teigen frå Ole O Teigen til sonen John O Teigen for kr 10000 inkl. lausøyre kr 2000. I 1944 fekk Jo Teigen auksjonsskjøte for kr 4000. Påteikning i grunnboka 1946 viser at enkja Ragnhild P Teigen sat i uskifta bu. Jon Teigen 1869-1945 vart 1922 gift med Ragnhild Sveahaugen 1890-1971 dotter til Pål og Mari Sveahaugen. Jon og Ragnhild hadde 2 barn:

Pål f.1922, neste brukar

Ragnhild f.1929, g.m. Magnus Løken f.1928

Pål overtok i 1952.

Jon Løken f.1960 overtok etter onkelen i 1997. Han er son til Magnus Løken og Ragnhild Teigen.

Kjelder:

Pål Øystein Kvarberg, 2000: Slechter i Vågå og Lom.

Digitalarkivet: panteregister

Norske gardsbruk 1953-1997

Opplandsarkivet Vågå: familieark, avskrifter pantebøker mm.